

- sensui cuilibet subiectis propensio et aversatio insident; utriusque ad nutum ne quis praesto sit: etenim hae sunt eius adversariae. 35. Satius est suo officio, etsi deficientibus viribus, fungi, quam alienum officium accurate implere; in suo officio satius est, mortem oppetere: alienum officium formidinem affert.

ARJUNAS loquitur:

36. A quonam vero instigatus ille, peccatum admittit homo, etiamsi nolit, Vrishnida, vi quasi impulsus?

ALMUM NUMEN loquitur:

37. Cupido is est, Furor iracundiae is est, ex impetuosa qualitate progenitus, vorax, nefastus; hunc cognosce in hoc aevo
38. inimicum. Sicuti fumo involvitur flamma, speculumque aerugine, sicuti utero involutus foetus, sic isto Universum hoc
39. involutum. Involvitur scientia isto, sapientis pertinaci inimico, versiformi, Kuntidis nate, et igne insatiabili. 40. Sensus, animus, mens, eius ditio fertur: hisce infatuat iste,
41. scientia involuta, mortalem. Quapropter tu, sensibus a principio coërcitis, Bharatidarum optime, nefastum illum repudia, scientiae et iudicii pessumdatorem. 42. Sensus pollentes aiunt, sensibus pollentior animus, animo autem pollentior
43. mens; qui vero prae mente pollet, is est. Sic supra mentem pollere eum intelligens, te ipsum tecum confirmans, profliga hostem, o heros, versiformem, intractabilem.

LECTIO IV.

ALMUM NUMEN loquitur:

1. Hanc devotionem Vivasvanti ego declaraveram perennem, Vivasvan Manui effatus est, Manus Ixvâkui memora-